

四庫全書

集部

欽定四庫全書

集部

丹淵集卷十六

三

詳校官庶吉士臣馬履泰

檢討臣何思鈞覆勘

總校官庶吉士臣倉聖脉

校對官庶吉士臣嚴福

校對官中書臣胡紹基

謄錄監生臣李維瀛

謄錄監生臣劉文耀

欽定四庫全書

丹淵集卷十三

宋 文同 撰

詩四十四首

李太尉固

昏霧翳紫極橫霓勢光大妖威集山冀忍穢實中賴茲
銑日增剋誰汝觸取害驕根愈自固所植利孱昧容容
彼羣輔竄伏皆鼠輩側視況未敢肯復形嘆慨太尉漢
中士氣引八極外岌然處大麓天下聳風采自開煮餅

禍賊意已莫快移書瀝憤膽語激益睚眦罹冤卒用此
數與六九會基茲被沈酷變免乃天貸高忠揭萬古宇
宙莫能載垂晶耀簡策糞土視廣戒歸來墓壙燒冢祠
茲儼在宏垣敞深豁巨木森晻曖神靈皎如日過者知
再拜同愚忝郡寄公里曰境內心期歛舉像所顧官有
礙精衷託明酌舉手向東酌

趙壹

壹也本西縣狀貌徒磊砢其才固難得行有所不可世

人詎能掩而爾輒自我旣慾焉得剛所守實未果抵罪
當至死其中遂水火一為人所活上賦何瑣瑣為文好
譏罵惡吻事掀簸逢陟與規輩次第滋爾禍無成困鄉
里倔僵老愈叵何煩遣相視器識自么麼余因守漢中
作詩揭墓左勸君莫學壹學壹終坎軻

張騫冢祠 一曰災冢

中梁山麓漢水濱路側有墓高嶙峋叢祠蒼蔚蔽野霧
榜曰博望侯之神當年寶幣走絕域此日鷄豚邀小民

君不見武帝甘心事遠畧靡壞財力由斯人

駱谷

高峯偃蹇雲崔嵬層崖巨壑長峽開龍蛇縱橫虎豹亂
古棧朽裂埋深苔行人側足恐懼過飛鳥歛翅哀鳴回
君不見德宗注意用姦慝大駕從此蒼黃來

慈濟院雙楠

雙楠高聳綠氤氳密葉長柯蔭四鄰佛現寶幢經幾劫
天開雲帳待何人護持必有諸賢聖觸犯寧無惡鬼神

付囑寺僧常灑掃莫令向下有纖塵

觀音院怪松

恠松屢見無如此每度來觀說向僧若遇風雷宜守護
恐生頭角便飛騰秋聲遶殿隨齋磬夜影侵廊對佛燈
韋偃畢宏今不在欲求人盡有誰能

江原張景通善頌堂

庭前雲蓋碧巉岵堂上先生雪滿髯說藥客來聊下榻
謁齋僧去便垂簾種時好花難謝買處錢多石易添

子舍光榮身壯健只將香火事華嚴

雲蓋堂
下石銘

夏夕

池館蕭然夜欲分滿林蟲鳥寂無聞
風吹松子下如雨
月照荷花繁若雲
泉作小灘聲淅瀝
筍成新竹氣氤氲
清陰正覆吟詩石更引高梧拂練裙

寄宇文公南

自文州曲
水令棄官

彭澤長謠便歸去君辭曲水亦其徒
一官何藉五斗米
二子況皆千里駒
懶對俗人常答颺
厭聞時事但盧胡

從來綿竹多賢者，唯是揚雄識壯夫。

北禪龍井

城北神龍去幾年，近日人言歸舊止。
澄潭沈沈不可近，百步之外毛骨起。
今年興元輒愆雨，衆懇問龍求滴水。
香煙繞上雲滿空，一夜滂沱遍千里。

送潘司理秘校

已自多時賦式微，五峯佳景夢長飛。
四年遠地為官去，萬里高堂喜客歸。
下馬便呈新授敕，開箱爭認舊縫衣。

鄉人覓次來相賀，蓴菜鱸魚正軟肥。

又五言

曲棧繞斜谷，鉤欄天際分。
吟鞭搖嶺月，倦枕拂溪雲。
好景不關俗，新詩皆屬君。
西南有歸客，一一幸相聞。

收復河湟故地

啞兒峽西山已塵，馱金輦帛無斷羣。
河湟故疆盡收復，解辦厥角歸如雲。
堂中玉帶賜丞相，隴外金節酬將軍。
唐兵萬里若日月，請作古今人未聞。

自斜谷第一堰沂舟上觀石門兩岸奇峯最爲佳絕

北風吹雲落寒水。逆波刺船行五里。層巒夾空抱叢石。萬劍側脊翠烟起。草木枝葉自殊別。禽蟲羽毛亦奇詭。安得鷄冠數稜田。便可誅茅此居止。

宿斗山奉真宮

山形如斗勢坡陀。魁枕杓攜萬尺高。近世無人知火棗。當年有客得蟠桃。靈蟾尚隱凝瓊髓。神鶴常歸墮玉毛。

一夜杉松響天籟滿空疑是奏雲璈

晴望漢川

城頭看雨霽天地若新浴
晚容變雲霞秋意著草木
四時易遷改萬事苦迫促
舊山何日歸三徑有松菊

清景堂

公外捐塵慮閒中見物情
蕉花紅炬密竹節粉環輕
燕泊簾鉤語蜂尋筆架鳴
靜能知此趣吃吃笑勞生

梁山大雪

嚴風吹屋鳴向曉尤凜冽應從北山上一夜吹猛雪幽人不能飲身體冷如鐵空向龍具中苦吟聲不絕

寄夏文州左藏侑二首

翩翩貴公子佳譽本能文大第辭京輦高旌擁塞雲勸農唐刺史養士漢將軍莫刻和戎誓朝廷重立勳

其二

寄語文川守謀邊想甚勞封疆通鳥鼠種落雜猿猱甲馬廉頗少詩書郤縠高當須辦乃事不用恥弓刀

狗溪迎湫祈雨輒應

夏雨渴久矣秋苗憂槁然至誠通祝版靈貺逐香煙桐
榘應無訟囷倉定有年曹公三大堰一夜滿民田

晚興

衆吏晚已散西園常訪尋覆棋苔閣靜行藥草橋深草
色晴承屐松陰密灑襟山蛇欲重賦倚竹聽清音

嘉川道中寄周正孺

草木春深後山川雨過時清佳常滿目衰倦敢忘詩好

尚舊若此飄零今比誰爭如畫堂上日日聽新詞

還李中舍杞奉使集

奉使道中詩百首古人遺落盡冥搜自憐吳蜀佳山水
一夜燈前得遍遊

雪後寄景孺提刑時按洋川

雲陰低重雪花繁夾道歡謠引使軒何處郵亭鍊佳句
綵毫揮罷索清樽

寄永興吳龍圖給事三首

高春鈴下索焚香鏤管紋牋發綵章應在後園涼榭裏
玄霜仙帽紫霓裳

其二

見山樓迥倚晴虛看展終南百幅圖聞說二林尤勝絕

想公高興在香爐

公有別業在廬山

其三

土風豪盛古長安誰謂元侯臥治難使客不來公事少

一牀蘄簟石林寒

不飲自嘲

能詩何水曹眼不識盃鐺而我豈解吟亦得不飲名持此以立世可笑實浪生

寄紀禪師

自笑塵中游宦客長輸林下坐禪僧水田百畝一區宅歸老城南何日能

中梁山寺

四絕

臺殿掩曖山焦堯雲霞鮮明天沈寥側身下望厭塵世

安得羽翼凌九霄

其二

煙巒彩翠霜林紅層樓複閣雲霧中襟懷太爽睡不得
一夜滿山鈴鐸風

其三

羣峯南北爭嵯峨如瀉大壑翻衆波愛之欲把入圖畫
世無好手將奈何

其四

上方梯磴繞崑頭誰就孤高更起樓
直望漢江三百里
一條如線下洋州

仙人二首

身著青羅緋衣裙口誦白羽黑翮文
半空欲下復不下
回首翩然歸五雲

又

頭梳三角髻餘髮散垂腰時伴秦樓女
月明吹紫簫

山堂前庭有奇石數種其狀皆與物形相類在

此久矣自余始名而詩之

鸚鵡石

靜立身微聳驚窺首畧回何人將至此應自隴山來

柘枝石

紫鮮裝花帽紅藤纏臂幃被誰留斷拍長舞不教休

狻猊石

巨尾蟠深草豐毛覆古苔雕欄臨綺席長欲上香臺

崑崙石

雨漬身如漆苔侵面若藍問時都不語應是憶扶南

羅刹石

洗濯形容露剗挑口眼通試教常點檢每夜定飛空

珊瑚石

海底初生處扶疎苦未全幾時隨鐵網流落漢江邊

病眼

病眼每至午其視何眈眈安得張中書就欲求古方

吾友務深有嘆琴之什運使子駿荅之佳章務

深亦使余繼作

白水滿方湖山中好秋色
逋翁促瑤軫來坐湖水側
臨風起高調此興浩無極
波靜戢游鱗雲空矯飛翼
蕭條變林野萬籟一以息
且莫緩商絃令人涕橫臆

丹淵集卷十三

欽定四庫全書

丹淵集卷十四

宋 文同 撰

詩四十九首

子駿運使八詠堂八首

寶峰亭

嘉陵抱江回平行出橫瀼中間築雄壘獨據兩川會行
臺敞嚴府磊砢北城外潭潭走羣楹直上巖嶺背危墻
繚空闊飛閣入茫昧上有寶峯亭仰見白雲內岩窈占

孤絕下與萬山對層檻動寥廓曲檻枕闌闌主人從籃
輦晚興在公退心掩萬象遠目引八極大鈎簾拂坐榻
隱几緩衣帶詩書挾關鍵筆硯產珠貝是時衆吏去不
敢呈計會雖然彼郡邑原本窮利害自取金穀饒無煩
米鹽碎此地寄清襟歲書從屢最

桐軒

晴影滿空壁晨曦上清軒庭下雙高桐枝葉蔚以繁種
者意自遠豈並羣木論謂可絙朱絲中有雅韻存成之

在誰手但為培霜根須知治世音盡付於此孫

栢軒

沈沈敞幽軒聳聳列寒栢清音納牕戶爽氣逼几席主人重端勁坐若對佳客時復下撫摩破蘚交履跡此意乃如是來者當愛惜大厦須良材相期早千尺

竹軒

此景絕可愛叢筠挺修竿侵簾復映幌翠影何檀欒霜威忌晚秀雨氣矜晴寒每向極靜時幽禽發清彈自無

車馬塵飛來泊琅玕宜遣老鈴下日日申平安

李衡公言北地

童子寺有好竹其綱維
令人每日報竹平安

巽堂

華堂聳巖臺地勢側隨水高臨巽宮上其取名以是我
我寶峯頂日影正辰已繚棧入雲林詰屈如篆字輕霏
互虧蔽亂樾紛間厠賓來獲清歡吏散生野思靜見萬
物本一一齊於此體道以行權端居得深旨

山齋

職事凡少休餘復不經眼幽齋設橫榻盡日對層巘遙
懷寄浩蕩靜想繁巖巖松雨潤書匳竹風吹酒盞榮名
付傲兀勝事入清簡雖有舊林泉何須嗟去晚

閒燕亭

靜宇占幽深是中何所有軒牕極清潔硯席羅左右公
餘每休此俗客曾不受六尺局脚床解帶就橫肘掃除
閒景物健筆當大帚敢問公許年得詩凡幾首

會景亭

誰茲敞高亭磴道繞千跼江山接平遠百里俱會合人
間最佳景牕戶供遠納煙雲互蔽虧蟲鳥相應答吟牋
摘奇勝畫筆寫紛雜安得日從公短屐手自蠟

呈李堅甫中舍

杞

往年曾憶過長安短紙書名詣門下君時延我坐終日
洒掃東軒留看畫橫圖巨軸不知數但見匣中時一把
甲猶未竟乙復作門類著番開滿架使人歎羨不能已
只恨有門歸隔夜歸來兀坐想精絕念此榮觀若為謝

就中寒林兩大幅此物世間誰敢價倏然一別十五載
常向人前盛誇詫因君奉使臨敝邑見先問此餘不暇
君能為我再講說座上不容人俗話如君所蓄更誰有
有亦未能無笑罵况君累世盡清職摹本敢來前弄詐
君今還省正擢用異日須求作鄰舍我巾曳屨日相謁
更欲重煩開幾帋待尋前輩用心處歛曲應須頻假借
每厨閱訖當便還不敢奉欺言羽化

采芡

通判盧微之攜種
之次年大盛

炎盤團團開碧輪城東壕中如疊鱗漢南父老舊不識
日日岸上多少人駢頭鬚鬆露秋熟綠刺紅鍼割寒玉
提籠當筵破紫苞老蚌一開珠一掬吹臺北下凝祥池
圃田東邊僕射陂如今兩處盡堙沒異日此地名應馳
物貴新成味尤美可惜飄零還入水料得明年轉更多
一匝清波流萬子

峯鐵峽

東風吹空力何短三月隴山全未煖文法姦酋引騎兵

飛隨銀鵲弓刀滿霜矛雪甲寒如水候卒何由知首尾
君不見峰鐵峽頭雲色死一過蕭然五十里

周思道如詒亭

繁上先生教子時義方題榜貼亭楣當年此地開師席
今日其言入制詞鄉里共傳為盛事鬼神相助使前知
後人若續成都記第一詳書不可遺

陵井喻氏歲寒山居

歲平處士居山日手種青松一萬根歲月漸深枝盡偃

雪霜雖厚葉仍繁本營勝槩逃軒冕更結清風遺子孫
寄語後人須愛護莫教空有令名存

提刑司勳示及暝禽圖作詩詠之

朱華盛發穿疎竹寒枿齊枯徧野磯大雪蔽天方亂下
衆禽爭地各相依非公好事誰能得此畫如今自己稀
試待晴明挂軒壁定開羣眼一時飛

北齋雨後

小庭幽圃絕清佳愛此常教放吏衙雨後雙禽來占竹

秋深一蝶下尋花
喚人掃壁開吳畫
留客臨軒試越茶
野興漸多公事少
宛如當日在山家

北城樓上

滿目望不極
城樓當最高
地形連楚闊
山勢入秦豪
平外斜通駱
深中遠認褒
圖經何壯觀
故事有蕭曹

晴登北城

積雨已逾月
久妨於此行
雲山勞夢想
風日幸清明
常愛往來處
盡皆苔蘚生
一壕新草木
強半不知名

寒食書事感懷

寥寥官舍靜於僧，雖有園亭亦倦登。
桃杏花陰流似水，圖書滋味冷如冰。
坐觀榮戰慙無狀，歸掃松楸恨未能。
得報君恩便休去，虞卿前日本擔簦。

送李堅甫中舍奉使還闕

自洮西
又入蜀

曾歌出塞愁，又遣使西州。
去國星辰動，還家歲月流。
褒斜新路晚，鄠杜故園秋。
歸對延和殿，從容問講求。

漢中城樓

二首

解帶緩幽憂，登城復上樓。
斷煙橫汙水，孤鷺入洋州。
浩蕩成遙望，淒涼起暮愁。
山中自有桂，何事此淹留。

其二

蘚徑踏層斑，高林古木間。
鴈隨平楚遠，雲共太虛閒。
晚靄昏斜谷，晴陽露斗山。
將身就清曠，名路爾何顏。

凝雲榭晚興

晚策倚危榭，羣峯天際橫。
雲陰下斜谷，雨勢落襄城。
遠渡孤煙起，前村夕照明。
遙懷寄新月，又見一稜生。

山堂偶書

幾日無公事、山堂興頗清、和詩防積壓、丸藥趁晴明、
斷石新稜出、澆蔬晚甲生、此皆忙外得、低首笑塵纓、

清閣

治庭區、紛齋閣、簡應接、身閒意枕簟、慮靜厭圖牒、孤
芳媚深叢、幽哢出密葉、物理茲領會、真境知可躡、

靜庵

問此初誰築、經營美爾能、依深還巨木、就蔭覆高藤、坐

與境同寂來無人可憎一床黃臥具茂灌本如僧

忘憂堂

磴道循城近垣墻占地幽軒窓誰指畫硯席我優游不
許簿書到恐為圖史羞此心元自適何處欲忘憂

夏日官舍

省事公多暇虛心景更長捨書無可樂就枕不能忘短
葛沾肌薄寒泉沃肺涼何當逢靖節相與話羲皇

寄成都趙資政

繞承寵詔聯公鼎便謁除書別帝閭萬口一詞歌盛德
四年三度福遐藩已為魁壘無雙士更入摩訶不二門
應笑臨卽病痛客最先參見在江原

晴步西園

急雨正新霖林端明晚霞松亭臨曠絕竹逕入歌斜花
落留深草泉生上淺沙稚圭貧亦樂一部奏池蛙

金影軒

開軒俯清溪正在修篁內霜筠抱冰節爽氣常四會主

人厭俗客日與此君對月上寒影來滿襟搖瑣碎

忽憶故園修竹因作此詩

故園修竹遶東溪占水侵沙一萬枝我走宦途休未得
此君應是怪歸遲

寄景孺提刑時按武興

夾欄虛棧武興西使騎翩翩晚夕馳想過飛仙須下馬
此中佳景入吟詩

子駿遊沙溪洞

聞有沙溪洞公將柅使輪還如探禹穴應見避秦人石
織形容古琳房氣象春若逢丹輦客問取虎文巾

送郭榮叔秀才應武舉

愛君才辯吐如傾圓直橫斜善講兵休向時閒筆硯
破蠻征虜是功名

乞畫鴈寄涇州母使君

寒影亂翻秦嶺月晚行高處隴山雲回中有客能傳鴈
異日從公乞一羣

興元府園亭雜詠

✓甚美堂

潭潭棟宇盛窅窅軒窗闊高深與地稱可大張宴席府
事如少休茲焉會佳客

∧武陵軒

水從前嵒來轉入後溪去中間載酒下各到客前住醉
後皆恍然再來無覓處

綠景亭

竹間有幽亭所宜惟暑飲層陰隔炎日四坐障綠錦過
午不可留單絺覺微凜

激湍亭

高輪轉深淵下瀉石蟾口臨之設軒檻清絕更無有愛
此山中來應須坐良久

凝雲榭

朝雲南山吐暮雲北山翕來往高榭中留者頗堆積坐
客如久之去須襟袖濕

照筠壇

積土削為壇險然在深竹中惟一詩石獨坐擁寒玉勿謂人少知此境不容俗

桂石堂

嘗聞陽朔山萬尺從地起孤峯立庭下此石無乃似愛爾常獨來一日須三四

四照亭

巒嶺附梁山汀洲隨漢水秋容上屏障左右二百里此

景誰能論殘霞獨憑几

垂蘿逕

長蘿託高株
曖曖蔽煙霧
垂蔓已百尺
更引欲何處
願少放餘條
恐傷君所附

盤雲塢

幾曲上層城
盤盤次文石
愛之有佳趣
不倦紆晚策
禽蟲應見疑
日遇此狂客

北軒

天上之貴神所居皆在北有軒正相望慢恐取陰効余
常過則趨不敢茲少息

綦軒

北城云最高上復有喬木垂蘿密如帳中乃營小屋時
引方外人百憂銷一局

山堂

何以山名堂層石作崖巘余本崑穴士每往不欲返公
吏呈俗書還來愧冠冕

靜庵

知動以為幻既知即非靜名庵以靜者無乃自起爭為
語庵中人勿以靜為病

丹淵集卷十四

欽定四庫全書

丹淵集卷十五

宋 文同 撰

詩六十三首

將赴洋州書東谷舊隱

晚客無一來獨步入東谷園林已成就此景頗不俗落
落巖畔松脩脩澗邊竹爽氣逼襟袖清如新出浴寒泉
激亂石磊磊漱瓊玉荒溪漬餘潤滿地苔蘚綠珍禽靜
相倚毛羽華且縟高下相和鳴不去若馴伏幽花雜紅

紫點滴亂盈目坐久微風來時聞散餘馥往年讀書處
宛爾舊茅屋雖然小破壞修整可數木開門拂軒窓無
限起蝙蝠縱橫列蟲網不免自掃撲壁間細書字多是
親寫錄當時苦謀身如此用意毒於今三十年才抵羊
髀熟一從入仕路行步每踏蹶所畏惟簡書其甘者藜
藿中間何大幸致身在天祿無狀陪俊游俛首常自慙
連章乞外補得郡悉鄉曲雖名二千石敢自辭碌碌朝
廷設新法布作天下福或慮多詬玩訓戒稍嚴肅刺史

當是時能不為驅督行之以中道勉副議者欲刻薄素
所憎忍復用刑獄進身豈不願實懼有陰戮昨從漢中
歸於此度災燠親朋日相會分義愈敦篤便欲從之游
投簪解朝服退自數年計伏臘殊未足還當武康去就
養若雞鶩貧雖士之常於我何迫蹙簞瓢若自具尚可
繼前躅奈何食口衆不比回也獨東方千餘騎導從催
我速行復登長途貌展心甚縮淵明豈俗士幸此有松
菊

崔覲詩

大中時人

崔覲者高士梁州城固人讀書不求官但與耕稼親夫婦既已老左右無子孫一日召奴婢盡以田宅均俾之各為業不用來相聞遂去隱南山雜跡麋鹿羣約曰或過汝所給為我陳有時攜其妻來至諸人門乃與具酒食嘯詠相歡欣山南鄭餘慶辟之為叅軍見趣使就職漫不知吏文已復許謝事但謂長者云補闕王直方本覲之比鄰文宗時上書召見蒙咨詢薦覲有高行用可

追至淳詔授起居郎褻斜走蒲輪辭疾不肯至高風槩
秋旻我昨過其縣徘徊想芳塵訪問諸故老寂無祠與
墳斯人久不競薄夫何由敦此縣漢唐時諸公揚清芬
刻詩子堅廟來者期不泯

寄題閬州開元寺澤師竹軒

澤師種竹三十年竹成滿院生綠煙蒼龍子孫太繁盛
分領眷屬來渭川藏風蓄雨陰殿壁不敢輒近寒森然
香飛常入佛座上葉落不到經窻前安除掃掠淨如洗

欄外不許行狂鞭澤師瘦健如老鶴壞衲幾尺披左肩
手持數珠讀梵策狀貌兀若橐與鐫朝旋暮繞在其下
不肯出院求齋錢古人亦有愛竹者豈得似師心意專
我亦平生苦如此兼解畧把筆墨傳逢師正謂同所好
但恨尚有區中緣何時相對月明下坐徹清影談幽禪
寄題密州蘇學士快哉亭太史云此城之西北
送客處也

出城送客客未來主人到此先徘徊地臨濰水極清曠

每為送客雙眼開客來既坐歌管作紅袖勸酒無停盃
主人自醒客已醉門外落日驪駒催揖客上馬退岸幘
未忍便擁千騎回滿襟高興屬軒檻野闊風長真快哉

獨遊

孤亭入陰森竹逕北松塢高林動清吹猶滴前夕雨解
衣此危坐左右一不許性本不奈雜况復茲寡侶孤懷
託寥曠世慮絕參伍幽花為誰笑獨鳥只自語身閒得
天全一息了萬古忽往而忽來其誰知踽踽

夏日湖亭試筆

亭臺清涼水竹淨愛此來避蚊與蠅蓮花窺人類楚女
野鳥彈舌如胡僧旋來開卷坐松陰却把釣竿浚石稜
二年何幸爾足樂慙報上恩無所能

楊山人草堂

九隴山人文父後心閒身健兩誰如玉函經外傳奇訣
畫戟門前創隱居八鼎靈丹黃似橘隔牆凡境臭如帑
何時再到高柵下倚徧清陰聽道書

詠鳧

雙雙紋羽弄清漪，全得天真似爾稀。
萬頃滄波供口腹，一梁寒日曬毛衣。
雨歸別島嘔呢語，風度前灘翕呬飛。
好向中流最深處，等閒休要上漁磯。

弄珠亭春望

岸柳毵毵春醖物，象酣煙雲分極浦。
舟楫聚回潭上水，魚千萬眠沙鴈兩三。
遙懷無可奈，長是寄城南。

新晴望北山

西風吹北山晚日曬新雨嵐光發巖岫草木紛可數翠
壁倚萬丈白雲橫一縷待訪餐霞人斯游欲誰與

城南江館

漢江之北涯軒宇頗高爽西南正空闊時此託遐想誰
家有竹石更可悅新賞待學袁愍孫乘興欲直往

屬疾梧軒

高梧覆新葉滿院發華滋白日一何永清陰閒自移暖
蟲垂到地晴鳥語多時病肘倚枯几泊然忘所思

北園避熱

繚繞度回塘，紆餘轉短牆。
引筇聊散誕，入竹得清涼。
正午禽虫淨，初晴果木香。
移床就高處，更欲解衣裳。

施公潭

盤巖復轉溪，磴道入雲微。
斷巘雙屏立，垂泉一劍飛。
浮空交彩翠，濺遠亂珠璣。
啼穴飢鼯出，翹灘宿鷺歸。
寒光清徹骨，晚氣潤沾衣。
東谷牛羊下，搖鞭去夕暉。

罷郡

自問爾何事端然信方策本是鉏犁人強為簪組客何
嘗補萬分徒自勞七尺還如裴昭明罷郡歸無宅

送文鑄師游襄陽鹿門

師今鹿門去正此冒炎曦野店乞晨饌亂山吟古詩問
程行幾日覽景立多時我有懷賢意憑看墮淚碑

夏日南園

陰陰喬木下翠影若雲浮滿地紫桑椹數枝黃栗留迎
風湖上去避日竹間遊定作今宵雨繞牆啼曉鳩

北樓晚晴望秦嶺

秦嶺巉巉列萬峯
晚嵐渾欲滴晴空
如何學得崔重易
吟嘯終南明月中

柳枝

墻宇周回院落深
日光風色淨陰陰
柔條一似孫荆玉
帖地反腰銜寶簪

送王存之

野水冰生薄似綿
短亭梅發大於錢
想君歸到江陽日

欲話今時已去年

放言

裨海之外既爾知自問何苦安喧卑胡不往見蒙穀士
看卷龜殼食蛤蜊

寄褒城宰

灩灩清波瀉石門茂林高巘夾煙昏何當畫舫載明月
共醉江心白玉盆

物五斗詩潤滑可愛故云江中有大白石穴鼓然如盆可憾

贈竹簣當谷

我昔初來見爾時
禿梢綠葉病離離
遮根護筍今成立
好在清風十萬枝

竹筴

我實仙陂百世孫
二年生長感君恩
近聞官滿將歸去
更望臨時莫洗園

守居園池雜題 三十首

湖橋

飛橋架橫湖
偃若長虹臥
自問一日中
往來凡幾過

橫湖

長湖直東西漾漾承守寢一望見荷花天機織雲錦

書軒

清泉繞庭除綠篠映軒檻坐此何可為惟宜弄鉉槩

冰池

日暮池已冰翩翩下鳬鶩不怕池中寒便於冰上宿

竹塢

文石間蒼苔相引入深塢莫撼青琅玕有時露如雨

菡萏軒

朝陽媚秋漪
菡萏隔深竹
誰開翠錦障
無限點銀燭

茶蘼洞

柔條綴繁英
擁架若深洞
是處欲清香
憑風為持送

簞簞谷

千輿翠羽蓋
萬騎綠沈槍
定有葛陂種
不知何處藏

金橙逕

金橙實佳果
不為土人重
上苑聞未多
誰能為移種

荻浦

枯荻饒霜風暮寒聲索索每見有微禽投之宿如客

蓼嶼

孤嶼紅蓼深清波照寒影時有雙鷺驚飛來作佳景

望雲樓

巴山樓之東秦嶺樓之北樓上捲簾時滿樓雲一色

待月臺

城端築層臺木杪轉深路常此候明月上到天心去

二樂榭

爰山孰云靜漢水亦非動二見因妄生仁智何常用

天漢臺

北岸亭館衆最先登此臺臺高望羣峰萬里雲崔嵬

吏隱亭

竹籬如雞栖茅屋類蝸殼靜几默如禪往來人不覺

霜筠亭

危亭入幽深正在修篁裏坐久寒逼人暫來須索起

灋泉亭

逕源分灋水，袞袞出亭下。
橫湖能許深，日夜見傾瀉。

無言亭

誰此設嬾床，頗稱我衰情。
公事凡少休，須來默然坐。

露香亭

宿露濛曉花，婀娜清香發。
隨風入懷袖，累日不消歇。

涵虛亭

石磴抱城回，入竹見虛檻。
前望佳景多，倚筇聊此暫。

溪光亭

橫湖決餘波
瀾瀾瀉寒溜
日影上高林
清光動牕牖

過溪亭

小約過清溪
有亭纔四柱
地僻少人行
翩翩下鷗鷺

楔亭

懸流效曲水
上已娛嘉賓
飲罷已陳迹
邨復山陰人

南園

農桑乘曉日
凌亂如碧油
紫椹熟未熟
但聞黃栗留

北園

春風有多少盡入使君家
當與郡人樂滿園桃李花

寒蘆港

落月照冰湖曉氣何太爽
兩岸雪煙昏鳬鷗出深港

野人廬

蕭條野人廬籬巷雜蓬蒿
每一過衡門歸心爲之起

披錦亭

繁紅層若雲密綠疊如浪
青帝下尋春滿園開步障

此君庵

叢筠裏圍欄淨影碧如水誰識愛君心過橋先到此

湖上衆禽盡以俗呼爲題

六首

淘河

羣魚見新晴萬鬣戲清泚忽爾下淘河驚回入水底

連點七

翩翩彼珍禽金羽耀寒日飛落灘上冰對人連點七

拖白練

盤石坐深林不欲人求見
隔岸誰品絃數聲拖白練

泥滑滑

春日正清明滿園花盛發
勸爾竹木雞莫啼泥滑滑

提葫蘆

花開已堪摘酒熟正好沽
山禽會人意勸我提葫蘆

詠蓮

全紅開似鏡半綠卷如盃
誰為回風力清香滿面來

題友人書齋新壁

彩樞縱橫設雕厨次第開須防何法盛直入此中來

張淨琬

驃騎極豪侈後房多艷姬可憐張淨琬不識半酣時

待雪

向晚欲雪天氣陰木葉亂飛雜歸禽城頭徙倚待飄灑
東北萬里皆雲林

丹淵集卷十五

欽定四庫全書

丹淵集卷十六

宋 文同 撰

詩四十七首

送提刑司勳

同昔分符守興元公始杖節來武信因而出入在門下
未有三日不親近臺移希疎獄讞少凜凜清風滿牆仞
乘閒每許陪後乘好寺名園遍遊盡惟攜茶具賞幽絕
新勝珍園曾不吝或因議事閱書畫止用小有并淺醞

清歡雅興自無厭妓樂喧煩誰願進開張胃懷脫羈檢
顏色何嘗形喜愠使威歛霽官况樂暫過二年如一瞬
後同先滿去涪上數月復來為屬郡再將厚蔭蒙舊物
掩蔽不才寬責問同常自念性偏僻凡取交游最精慎
雖然衆中事汎愛仁者與親餘不認生平所得無幾人
既已得之心自信公家兄弟何磊落一一光華如美瑾
顧同質狀似頑石輒筵其間襲溫潤令昆強季沒已久
公獨康莊馳馭駿朝廷要人辦繁劇昨下詔書催入覲

連城衆口惜公去不問鯢鮓與髻鬣烟開漢沔曉光薄
雪下褒斜寒力峻嗟同不得送行旆回視腰間綰雙印
灊城西北有危樓徒望高鴻寄長韻

翡翠

清晨有珍禽翩翩下魚梁其形不盈握毛羽鮮且光天
人裁碧霞為爾縫衣裳晶熒炫我目非世之青黃愛之
坐良久常恐瞥爾翔忽然投清漪得食如針鉉如是者
三四厭飫已一朡既飽且自嬉翻身度回塘飛鳴逐佳

匹相和音琅琅是時鳬與鴈狼藉島嶼旁滿腹釀腥穢
紛紛曬晴陽驚鷺最麤惡腎大脚脰長入水捕蛇鰻淤
泥亦啻將想其見爾時一啄亦爾傷其心肯謂爾被體
凝華章勸爾慎所止好醜難同鄉清溪多纖鱗亦足充
爾腸江海深且闊所獲未可量爾當事澡刷帝園參鸞
鳳

平阿馬上依韻和圖南已下共五首

江山相引轉平臯滿馬詩情擁敝袍鳴鶴不知誰使怨

飛鳶何謂爾能高
品頭亂木森如戟
澗下繁雲涌似濤
才到郵亭便沈思
向來佳景待吾曹

過朝天嶺

雙壁相參萬木深
馬前猿鳥亦難尋
雲容杳杳斷鴻意
風色蕭蕭行客心
山若畫屏隨峽勢
水如衣帶轉巖陰
生平來往成何事
且倚鉤欄擁鼻吟

晚泊金牛

一襟初覺晚霜清
短鞭垂頭任馬行
斜日歛回疎木影

急風收斷落泉聲望窮好景番番別題偏新詩闕闕精
終是教人伏潘令許多才調賦西征

金牛相別呈誠之

出門相與望橫參露浥幪頭冷逼簪驛在金堆隨澗遠
路經銅冶入煙深過橋住馬應回首上嶺聞猿想動心
勝事莫過文酒樂此時銷得各沉吟

大桃途次見菊

英英寒菊犯清霜來伴山中草木黃不趁盛時隨衆卉

自甘深處作孤芳其他爛漫非真色惟此氤氲是正香
却念白衣誰送酒滿籬高興憶吾鄉

弄珠亭下柳

江柳早春前濛濛弄紫煙未容長作帶已見亂飛綿遠
外分晴島深中泊暮舡惟應漢水色奈爾一年年

弄珠亭春日閒望

弄珠亭上客來想弄珠人野草迷晴岸垂楊暗晚津天
涯羈旅地村落寂寥春何處瞠然叟扁舟下釣綸

寄子駿運使時按西鄉

西鄉巴嶺下嶮道入孱顏使騎到荒驛野禽啼亂山問
民青靄裏訪古白雲間幾日南城路新詩滿軸還

寄景孺提刑

江由崑嶠地萬木與雲齊弭節山中宿思歸夜半啼麝
香霑野草虎跡滑春泥到此須憑酒何人手可攜

公館

公館晝沈沈煙雲晚作陰琴軒冰沼淨書閣火爐深默

坐自有得閒行誰可尋還應上高閣看雪一千岑

衰晚

衰晚得洋川勞生只自憐文移供盡日心力付流年
咄空書字便便聲晝眠其如昏嫁在了即賦歸田

欲雪

山城蔽層陰晚照空外滅天低雲氣暖此意欲作雪
歸鷗煙慘澹斷鴈風蕭屑樽酒聊自持同誰感時節

晴山

東北橫群峰新過夜來雨扶空立屏障浩翠小萬古豈
無短齒屐攜手誰我侶欲往殊未能

闕

臨漢亭

危亭俯絕岸漢水望天表遙源瀉金穴高浪灌朱鳥紆
餘轉荆楚萬里合浩渺誰知嵒塚下悽然如帶小

雪中三章寄景孺提刑

城頭高榭陟嶙峋坐看江郊灑玉塵恨不同來對清絕

擬將佳景待何人

晚雪湖上寄景孺

朔風吹雪滿橫湖，衆鳥歸栖日欲晡。獨坐水軒人不到，

滿林如挂暝禽圖。

暝禽圖景孺所藏之奇畫也

齋宮

玉龍噴霧碧霏霏，鈿枕珠衾照百枝。自與侍書人一處，此中全不管眠之。

詠柳二首

風外挂簾誇軟甚雨中盤砌奈長何一般草木緣何事
聽唱驪駒爾最多

其二

綠蛾緣條立春後金蛹抱花寒食前行人折罷自欲去
更冒長梢留客鞭

郡齋水閣閒書

六言

湖上

湖上雙禽泛泛橋邊細柳垂垂日午亭中無事使君來

此吟詩

獨坐

不報門前賓客已收案上文書獨坐水邊林下宛如故里閒居

湖橋

湖橋北頰花塢水閣西頭竹村霏霏薄霧紅暖漠漠輕煙翠昏

推琴

點點新萍帖水濛濛亂絮縈風盡日推琴默坐有人池
上亭中

靜觀

十許文魚弄水一雙花鴨眠沙靜觀只恐驚去無語憑
欄日斜

亭館

亭館脩脩度日園林寂寂經春且遮新筍誇客莫掃殘
花悶人

流水

四首秦僧絕論一篇楚客離騷讀罷却彈流水先生此
興尤高

報國

報國無忘竭節居官勿用論功莫問咍咍趨樂不煩吐
吐書空

聞道

聞道幸非曲士讀書甘作陳人為文自怪逆俗好畫誰

知入神

相如

相如何必稱病靖節奚須去官就下其誰不許如愚是處皆安

彭澤

彭澤先生未去武陵太守常貧上官幸且容已下鬼休來笑人

憑几

列傳日逢佳士羣書時得微言自對古人憑几不煩俗
客登門

衰後

衰後常親藥餌憂來頗憶林泉身坐謝莊小閣心游沈
約東田

自悟

自悟空王理勝因知辯士辭窮但了一忘六解休論四
異三同

鷺鷥

避雨竹間點點迎風柳下翻翻靜依寒蓼如畫獨立晴
沙可憐

蓮子

綠實填房未滿黃茸繞殼方開為問因誰勸酒一時齊
側金盃

采蓮

岸幘客來橋上賤裙人在湖中桂楫蘭橈甚處蓮花荷

葉無窮

翡翠

見諸長喙須避得少纖鱗便飛為報休來近岸有人愛
汝毛衣

朱槿

含露方矜香裊搖風旋見離披湖上先生笑汝朝開暮
落何為

青鸛

常惡靜時鳬鶩不驚飽處鰕魚與吾閒正相似問爾樂復何如

車軒

平湖靜處朱閣垂柳深中畫橋隱几香煙露濕投竿衣帶風颺

偶書

犢去食苗莫問烏來攫肉休知物須以信相感事忌於心有為

北岸

曲榭紅蕖影上圓
庵綠篠陰中門外
何人會畫故來寫
作屏風

自詠

看畫亭中默坐吟
詩岸上微行人謂
偷閒太守自呼竊
祿先生


再贈鷺鷥

頸若瓊鉤淺曲散
如碧管深翹湖上
水禽無數其誰似

汝風標

閒書

遂出堪羞子溥歸來可重淵明試問七松處士何如五柳先生



丹淵集卷十六

欽定四庫全書

集部

丹淵集卷

十七至
二十一

詳校官庶吉士臣馬履泰

檢討臣何思鈞覆勘

總校官庶吉士臣倉聖脈

校對官中書臣胡紹基

校對官庶吉士臣嚴福

謄錄監生臣劉文耀

欽定四庫全書

丹淵集卷十七

宋 文同 撰

詩五十二首

往年寄子平

往年記得歸在京日日訪子來西城雖然對坐兩寂寞
亦有大笑時相顧顧子心力苦未老猶弄故態如狂生
書寫畫壁恣掀倒脫帽褫帶隨縱橫誼歌詩詔文字
蕩突不管鄰人驚更呼老卒立臺下使抱短簫吹月明

清歡居此僅數月夜夜放去常三更別來七年在鄉里
已忝三度移雙旌今茲昏昏意思倦加以跼跼疾病嬰
每思此樂一絕後更不逢人如夜行

贈日新禪師

蕉義祝融峯竄篠懶瓚巖師也西南人嘗居彼嶢嶢十
年不下山煙雲爛衣衫借問爾何為法味見愈饒妄萌
將軋然即以慧刃芟既久關門戶不須更封緘龍神護
水餅鬼物扶經函疊足坐蒼石放身依古杉一日望劍

門歸心瞥如帆過我盡戰前清晨投短銜欣然揖師坐
未語已不凡再勘自不破誰敢分酸醎大朴本無痕巧
者強削劉師如捉龜拂定不空謫謫

送竇僉判同年

冰霜滿清漢此地送君歸天涯作遠別懷抱殊依依短
亭臨灤水楊柳長條稀道傍有寒梅幽香撲人衣折以
持贈君愛之含春暉酒罷不可留晚鴻隨馬飛

拙詩六韻奉寄興州分判誠之蒲兄

武興山水郡左右有佳處仙巖蟬雨何賈二真人佛宇玉

一柱神坑孕金礫

宜口金穴

靈竇洩瓊乳

鄭都縣泉

乳柱石窟寺

不辨文字古

郗閭漢銘

主人好事者乃我詩酒侶安得陪後

乘放蕩此歷觀

依韻和蒲誠之春日即事

輕煙漠漠雨斜斜無事常教放兩衙問客江邊求好石
倩人山裏覓奇花新蔬宛宛生晴圃淺溜涓涓出暖沙
入夏盃盤須准備繞畦親灌邵平瓜

和提刑子功喜雨

時雨已可喜況當春發生入地如流膏浸灌萬物萌真
宰每自惜纔灑復却晴常時稍霑濕庶彙亦已榮昨宵
忽盛下欄宇翻瓶罌高原與庠陸旦可一尺盈尋觀太
陽起紅光吐崢嶸萬里洗氛濁四顧蒼煙平羣農悉就
野上下羅晨耕父老荷鋤鉅林間笑相迎盡言此美澤
天意恤下眈麻麥固已足預見禾黍成且幸賦輸辦敢
望求他贏次第還與官口腹甘別營願常獲豐稔自覺

所取輕言罷乃散去溝壙紛縱橫使者有職事其喜誰
與并高齋聽淙淙不寐達五更豈不省文移賴此一夕
傾天明作浩歌滿紙編和聲

謝夏文州寄金線猿

天地生奇獸朝廷寵近臣覆鞍須用此投網為何人
梨栗恩雖厚雲山夢想頻煩君遠相惠時為一沾巾

依韻和子駿雪山圖

一白溪山六幅中其間雪意與雲容君應記得飛仙下

廳馭亭前此數峯

此樂

吏散收簿書公館如山居歸來換野服攜策將馬如園
亭極瀟灑陰森脩竹下拂石坐終日徙倚不知夜山月
照我明林風吹我清口誦太古文往來池上行露下覺
微凜南窓歸就枕心閒神自安達旦得酣寢亂日嬾守
爾何為日日常若斯為言我自爾此樂非汝知

百舌鳥

衆禽乘春喉吻生滿林無限啼新晴南園花木正繁盛
小小大大皆來鳴藏枝映葉復誰使不肯停住常嚶嚶
就中百舌最無謂滿口學盡羣鳥聲自無一語出於己
徒爾嘲啗誇從橫朝朝泊我高柳上叫破一牕殘月明
幽人穩睡正酣美無計可奈遭爾驚少年挾彈彼誰者
安得為我來五更

莫掃花

莫掃花從教花滿地縱然堆積亦何害留之且重東君

意君不見昨朝枝上正芳菲今日庭前已憔悴中間得
好能幾時用此請君窮物理一榮一謝兩皆空若了非
真本自同但對落英開酒盞每年如此任春風

詠竹 一字至十字成章

竹竹森寒潔綠湘江濱渭水曲帷幔翠錦戈矛蒼玉心
虛異衆草節勁踰凡木化龍枝入仙陂呼鳳律鳴神谷
月娥巾帔靜冉冉風神笙竽清簌簌林間飲酒碎影搖
鐫石上圍棋輕陰覆局屈大夫逐去徒悅椒蘭陶先生

歸來但尋松菊若論檀藥之操無敵於君欲圖瀟灑之
姿莫賢於僕

詠石

石石陰黑陽白岸胚胎山骨骼天地鎔鑄鬼神刻畫鯢
鯢張怒眼虎兕交鬪額鼓如溫玉聲清洗似精銅色碧
花邊硯爾盡奇品林下礪然無俗格冰霜慘冽堅操不
移塵土昏冥孤標自隔堯硯獨立見到侍中家磊落羣
居在牛丞相宅昔時大士常命汝曰聽徒今日衰翁且

對君為佳客

深渡

前日寒食在綿州牡丹盛開海棠落今已逾旬過深渡
山桃一枝橫曉閣此花平川最為早何乃於此才破萼
化工豈爾用功偏蓋爾所生居絕壑一年春事但自了
勿較後先嗟寂寞

嘉川

嘉川之西過新棧幾里朱欄繞青壁我行落月尚在水

水影照人襟袖白
繁英雜綴脩蔓上
綠錦纈帶垂百尺
清香滿馬去未休
賴爾春風慰行客

青烏

青烏客館之東軒
前對長江隔層嶂
歌危一徑入林外
竹柵茅簷儼相向
愛其生事亦自足
牛羊縱橫雞犬放
安得與爾號比鄰
為作野歌供吹唱

木瓜園

驅馬下高崗
吟鞭只自揚
溪山過新霽
草木發清香
浩

蕩來江闊縈紆去棧長
春風去欲盡樽酒嘆何嘗

長舉

山色滿西閣到江知幾層
峯巒李成似澗谷范寬能闊
外晴煙落深中晚靄凝無由
盡奇絕已下更重登

水磴

激水為磴嘉陵民構高穴深
良苦辛十里之間凡共此
麥入麵出無虛人彼甿居險
所產薄世世食此江之濱
朝廷遣使興水利嗟爾平輪
與側輪

長舉驛樓

爽氣浮空紫翠濃
隔江無限有奇峯
君如要識營丘畫
請看東頭第五重

正月八日峽中新花

深碧長條淺紫芽
曉叢無數傲霜華
只應恥在江梅後
未著葉時先放花

贈陶金叟

濯石淋沙不自勞
挾光挑屑甚么麼
世間有客能肱筮

比爾元來得校多

過青泥

鐵山正月雪交加
欲探東風未有涯
纔過青泥春便好
水邊林下見梅花

過大散寄子駿

纔過嘉陵心自喜
歸來一夜寫君書
明朝便送層冰底
定有西行雙鯉魚

飛仙石溪

愛此潺湲任濺衣獨尋幽石坐多時日斜徒御應相笑
底事教公上馬遲

籌筆諸峯

君看籌筆驛江邊翠壁蒼崖起畫煙正是峽中佳絕處
土人休用作畬田

柳池贈丁綢

場屋聲名四十年五車書誤一囊錢老來山驛為監吏
相對春風但惘然

偶題

鬢雲雙墮結明珠
窄窄羅裙短短襦
閒把花枝起新樣
滿調金粉畫交輸

天漢橋

風吹兩岸荻蒲乾
雨灑一汀鳬鷺寒
夜深霜月照湖水
須上此橋憑畫欄

望雲樓

南山北嶺遠如層
朝雲暮雨濃若蒸
樓高百尺見萬里

更有底事須來登

灤泉亭

竹列蒼戟枝幹稠
亭開翠幄窓戶幽
下分灤水入渠口
正坐小榻臨清流

此君庵

斑斑墮籜開新筠
粉光璀璨香氤氲
我常愛君此默坐
勝見無限尋常人

二樂榭

晏山北來聳峨峨漢水東下流滔滔開軒直可望百里
最愛此榭凌雲高

漫郎亭

鑿城為洞深且長
沿壕開逕間復荒
有亭如許入蒙密
誰比次山稱漫郎

涵虛亭

雲外衆峯簷際橫
竹間飛泉窓下鳴
欲往二樂即歇此
胷懷已自如冰清

菡萏亭

日高過竹湖水光風長入座荷花香交紅映綠滿渠下
各有意態隨低昂

貧簪谷

池通一谷波溶溶竹合兩岸煙濛濛尋幽直去景漸野
宛爾不似在塵中

王氏北溪

榮州

石龜州北羣峯起一去距城無十里煙嵐秀氣護巖局

松菊清香泛溪水輕裘肥馬正榮耀春韭秋菘任凋毀
待將底物勒移文谷口濃雲白如紙

雋老水墨

之人勃海後所尚亦瀟灑不承春秋學乃好水墨畫
溪吾鄉里有絹滑如研君凡幾多筆爲我禿數把

李堅甫淨居雜題一十三首

并序

堅甫旣得請太平宮遂於長安里第營治亭
館爲逍遙種種之樂已而作詩十三篇遠來

見寄且使余亦爲之余愛其趣尚清遠因以
累句附其所題之末慙非精工聊以塞命云

爾

何事當清世歸來詠考槃近聞新住處不似在長安

右靜居

朱鹽辭劇務宮觀得清資自取閒官樂爭教俗客知

右靜叟

將何寫幽意有此古桐聲爲問好彈處誰來聽蟬行

右琴室

身閒無可奈惟此度晨昏與客正爭局問誰休叩門

右棊室

縑緗羅几格無限有奇書想在中間坐渾如獺祭魚

見

義山別錄

右書齋

試品齋中畫曾無第二流頑礪與亂篠應挂在當頭

二

畫余之筆因戲及之

右畫齋

日光明駘蕩天氣暖氤氲草木徧庭檻清香朝暮聞

右春軒

清飈動蕭瑟翠樾減婆娑却愛夜來月滿窓寒影多

右秋軒

鐵石枝梢勁冰霜節目圓淨搖風冉冉閒映月娟娟

右竹軒

翠羽攢何密青丸綴實繁誰知人與木俱是太清孫

右檜軒

寒溜日涓涓縈紆小檻前不知明月下誰與弄潺湲

右水亭

未老先求退題庵乃自呼有才須進用能保此名無

右退庵

淨居都葺了餘地蓋斯堂不用栽萱草無憂可得忘

右北堂

丹淵集卷十七

欽定四庫全書

丹淵集卷十八

宋 文同 撰

詩五十六首

晉銘

長安鬻碑者遺我古鼎銘不知其所來有眼實未經凡
百十九字詭怪篆物形縱橫下點畫不類子與丁試考
諸傳說其源已冥冥宣王石鼓文氣韻殊飄零始皇嶧
山碑骨骼何玲竚我恐鬼哭時正為此物靈安得不死

神提去詢大庭為我譯其辭讀之駭羣聽

秦詔

山流濯幽阮銅篆發古耀我行奉天縣叟以百錢糶讀
之廼二世元年所刻詔謂法度量者盡始皇帝造辭止
曰皇帝久遠若為道乃命斯去疾具述紀其要文章既
精簡字畫亦佳妙亥爾何等人敢作萬世調其為者非
是所累纔一廟區區頌微末回首皆可弔郡兵厭寶玉
得此只揮掉漂流落荒壤千載厄潛奧乃知天宇內事

有不可料此物今何為惟助觀者笑

問陳彥升覓古瓦硯

魏主用死力構彼銅雀臺當時臺上瓦百澄為一坯燒
成比堅玉翠甲橫崔嵬西陵既歸後此地日以摧後歷
典午朝羣雄力相虓茲臺既已傾此瓦只自堆歲久岸
谷變埋沒深蒿萊初誰得耕人剗之研松煤其理密且
潤端歛真可咤彥升所有者一一皆珍材自言欲購時
經歲無一枚琴紋與錫花此乃如瓊瑰前日秘閣下重

匣手自開示我者佳絕恰用一樸裁形模甚古野用可
資怪魁歸來作詩乞願致無遲回

謝楊侍讀惠端溪紫石硯

學文二十年語氣殊未成所以文房中四譜無一精豈
不願收貯恐竊好事名自愧中槁然敢假外物榮前日
下秘閣謁公來西城公常顧遇厚待以為墨卿延之吐
佳論出口無雜聲語次座上物硯有紫石英云在嶺使
得渠常美其評因取手自封見授囑所擎倉皇捧以拜

其喜懷抱盈歸來示家人衆目歡且驚言並我所有瓦礫而瑤瓊貴價市珍煤風前試寒泓磨知密理潤點覺浮光清洗濯鑑面瑩彈扣牙音鏗遂剪十襲巾加以重篋盛客來有欲觀稍俗不敢呈願傳之子孫更重金滿簞作詩叙嘉貺慙比毫毛輕

西岡僦居

出官在秦蜀始末凡十年所治得公宇靡不完且堅中堂與挾廊角翼相鈎聯領屬僅十口出處皆安便冬夏

惡風日侵薄曾無緣今年歸中都職事叨磨鉢未免僦
屋住敢謂須華鮮西岡頗幽僻愛此遠市廛問得王氏
居十楹月四千牀榻案几外空處無一椽匱溷及井竈
圻壁皆相連經庫須俛首過隘常側肩所謂十口者日
繞蝸殼旋前時大暑中幾不禁袪延鬱若鼎釜炊局如
狴犴攀走蝸過亂蟻飛蚊劇羣蟬今日幸過之復畏明
日然喜見白露節相賀肌肉全如何下淫雨曉夕常綿
綿瓦破棖棟漏柱陷墻垣穿惟供改席坐豈暇安枕眠

中庭止數步深已可載船盡室徒跣行一起復一顛京
師費耗地居止實重遷俸料計月入外得無幾錢却思
已過分僅免親犁田自望於古人若地而升天小廬焦
生高陋巷顏子賢引之諭妻孥吾道宜此焉猶勝比鄰
者寒突無晨煙

閩鄉值風

烈風吹華陰古槐若長呼高沙起黃磧四望如一鋪上
馬低便面據鞍兀長途日晚過潼關行客亦已踈守吏

索姓名沸亂如蟲蛆兩目不可開說之使自書夜至閤
鄉縣僮僕相欹歔坐定即洗濯泥土捫短鬚草草具盤
飧零落飯與蔬恨無姜少府為膾黃河魚

積雨

京師值積雨浮淖皆滿城況當洶決時左右羅深阮有
客南河居旦夕隄上行病僕挾羸馬十步八九傾職事
有出入長抱落膽驚都人素豪恣小官常見輕排闥要
穩道歛避不敢爭試欲效呵止圍目根姓名往往被濺

汚直落舌與晴歸來事洗濯袍袴紛縱橫
仰首問天公
春澤當早晴幸有好日月何惜施光明

大熱過散關因寄里中友人

六月日正午大暑若沸鑊時行古關道十步九立脚
煙雲炙盡散樹木曬欲落喉鼻喘不接齒舌津屢涸擔血
僮破領鞍汗馬濡膊幽坑困猿狖密莽渴鳥雀至此因
自謂胡為就名縛所利緣底物奔走冒炎惡塵心日夜
迫欲住不能畧因念吾故園左右悉林薄昔我未第時

此有文酒樂長松借高陰飛瀑與清濯層崖對僧詠大
石引客酌畏景雖赫然無由此流爍于今只夢想欲往
途路邈所效殊未立期歸尚誰約徒爾發短歌回首謝
巖壑

問景遜借梅聖俞詩卷

前日讀子詩快我煩病軀若坐大暑中瓊盃飲淋腴辭
嚴意清絕敢謂人所無子乃不自高尚爾尊聖俞為我
誦佳句實亦郊島徒遂云有家藏兩軸如椽麓我方嗜

此學常恨失所趨願子少假之使之識夷途

秋居覽景因感所事

閒居閉窮巷拙者誠所宜掩書坐前楹默與天理期是
時新雨收物物含秋姿疎簷正殘日曲几方涼颼羣雀
下空堦遂遂顧且隨微蟲出幽隙繞繞行復飛疎篁挺
堅勁不並草木衰叢蘭吐芬芳豈畏霜露知觀此動與
植一一全天資因念物稟生有性各異持夫人為靈者
仁義實所尸胡為智巧役所有日夜隳不能保其元妄

事紛擾為汲汲以就死所耗無纖釐還本既不完何用
冠且衣余因激所遇攬筆成此詩庶幾學者心讀已而
悟茲

彥思示望南山詩因答

余於岐雍間屢走官道上終南百里近不得迂馬訪徒
常飫雙眼引首旦夕望羣巒突天起氣勢頗豪王余名
愛山者所見亦無量嵩華最魁傑詩之宣曾讓至此覺
才弱不敢輒名狀世謂秦土強捨是孰為壯彥思奇偉

士雅志同所尚近自山中來滿幅以詩貺凡是山勝絕
鉤胃付心匠驅聯以大語句度實奔放豁若展圖畫壓
紙千萬嶂讀之未云徹早自肝膽喪試欲效其說無迹
可依傍坐見山所有已若一携杖何當俯清渭解帶濯
塵袂掉手入巖谷琴樽樂幽曠浩漭八極大冥心恣飄
颺此意殊未諧臨風一悽愴

嘲中條

荆山赴太華百萬如走駢觜尾不相殊前後翻海波旣

至擁而蹲仰首爭列羅太華勢愈導引手欲下摩中條
從北來亦願依魏峨豈知隊伍弱只類馬與羸奔騰氣
力盡羣伏飲大河飲已只南望岌然將奈何

寄題威勝軍守居高明榭

石侯守銅鞮暑居念煩愀營基切城角列礎出樹杪窓
橫四野外轉目可俱了長風落霄極萬里吹縹緲主人
白羽扇日日上清曉琴樽嘯佳侶以樂軍事少晴煙抹
闌蘭暮角送禽鳥語客莫遽歸前林月將皎

仙禽送景遜赴階州監稅

肅肅彼靈羽，英英下瑤臺。
揚翹俗采暗，振響仙籟回。
凡鳥只歛避，衆人亦驚猜。
羅以萬目網，離以雙翼摧。
十載困塵土，一身伏蒿萊。
晦色不敢耀，藏音豈能哀。
飢腸金屑實，渴吻瓊漿開。
俛首事澡刷，一飛遊九垓。

送呂希彥司門通判河陽

行父須生公，相家修潔不類在。
紉綺豈惟浩蕩愛，古學實亦縱橫曉。
時事孟州之民爾，何幸一旦得此賢。
半刺

定知未幾政清簡日
日案頭詩滿紙
河陽花開酒休泥
太行雲飛樓好倚
若因行縣至盤谷
為訪其間隱君子

送周介之學士通判定州

紫垣之東蕃羣宇合四翼
天家積圖史編簡何萬億
介之才藝選此地典文墨
縱橫四部內騁驟千古力
久為光祿校頗倦承明直
嘗言石渠樹五見弄春色
前自啓君相得請均外職
翩然駕別乘去矣大河北

又

河北扼險要定武承其咽分道宿勁兵望之為中權朝廷倚注地擇用須材賢黠儉訥所聞射獵不敢邊茲焉勢愈重豈謂甲馬然將軍廟堂老御史蓬瀛仙合謀運潛畧勝氣壓古燕惟當陪緩帶壺觴鈴閣前

送柳才僉判蔡州

翩翩河東孫豪邁有祖德二十補楚掾能用口破賊歸來入京寺不借推挽力驕夸固其宜了不見顏色題輿蓋本乘入幕乃屈職淮西號劇府君也茲歛翼朝廷選

材吏聞下前日勅奉詔者云誰此章君可塞

送張宗益工部知相州

學術深沉久未施晚登臺省世方知詩章好奏周文廟
字法宜磨魏武碑禁掖便當提大筆名藩猶自擁高麾
應憐共試金坡者答颯渾如鄭鮮之

送王恪司門知絳州

絳守園池天下誇紹述有記詞聲牙蒼官青士左右樹
神君仙人高下花遠水依然尚鈎帶舊門想已無韉櫓

自憐俗狀不能到此去羨君專宴衙

送蒲霖中舍致仕歸閬中

急趨長拜倦勞勞自笑風埃滿綠袍
官味十年如水薄歸心一日共雲高
毫釐已悟蝸爭角文彩須知鳳得毛
且喜還家收拾在錦屏山下舊東臯

送劉立之著作歸長安因赴安定知縣

西郊晴霧曉霏霏回首京塵一拂衣
上國莫嗟為客久高堂初喜改官歸
洛城氣候花纔動灞水風光絮恰飛

恨不同遊曲江岸與將歌酒詠春暉

送張正夫監簿歸漢州

知己非不遇其如才命違官名疑在夢親祿只徒歸道

路盤危棧家山指落暉好將綿竹頌重拂入關衣

謫公門客

奏不出官

新霜

新霜着庭樹葉下如猛剉蕭然物容改有若懼凌挫砌
下丹橘落牆邊紫榴破精光竹勁健沮喪柳怯懦覽景

惜向暮感時驚忽過勝事實可樂閒愁本堪唾何當共
佳客對此酌香糯

答馬子山節推見寄

曾陪參畫從橐鞬文雅當時最盛傳玉挂好風橫飲簞
翠漪明月漾吟船石渠金馬余何者綠水紅蓮子尚然
好養江邊鴻漸翼詔書非久下留川

紅樹

萬葉驚風盡卷收獨餘紅樹擬禁秋已疑斷燒生前嶺

更共殘霞入遠樓
楓岸最深霜未落
柿園渾變雨初休
勸君莫上青山道
粒點行人分外愁

彥思惠榲桲因謝

秦中物專美榲桲
為嘉果南枝種府署
高樹立婀娜秋來放
新實照日垂萬顆中
滋甘醴釀外飾素茸
裹彥思摘晨露滿合
持贈我復侑以佳句
再拜極所荷珍之不敢
盡玩已即深鎖茲焉
遂名產沙苑忽么麼

彥思有北樓見寄之作依韻和答

我我守居城上樓最宜登覽羣物秋層簷高塞礙翠嶺
采檻直出橫清流煙中島嶼遠歷歷風外巖壑寒颼颼
主人好事客意樂日夕幸此忘幽憂

閒居秋日書事

秋雨晚蕭蕭端居閒寂寥雀饑爭朽穗蟬病落寒條雲
過茶煙沒風歸硯水搖惟當詭圖史閒日底能消

寄題湖州沈秀才天隱樓

自念久不偶歸老東南州地名水精宮家有天隱樓收

捲勢利心欲與汗漫遊出處固以義無為子光羞

酬仲幾秦州道上見寄

送子入秦處紛紛黃葉間孤舟渡野水足馬轉遙山明
月每夜望清風何日還新詩慰牢落為一破愁顏

入谷馬上

四首

宛轉入深谷一林還一丘搖鞭弄新霽把筆韻高秋翠
巘雲長合寒潭煙自浮因成憶猿鶴聊此為遲留

其二

亂竹圍清密垂蘿蔭屈盤晴林風色淡晚水日光寒樹
石因誰好烟雲只自漫羣峯若相待滿眼碧巔巘

其三

北谷氣象佳有景乃天設峯巒互虧蔽湍瀨相綰結珍
條拂垂袂芳草留去轍自顧塵滿纓安能住深絕

其四

羣山護秦隴轉去轉幽深嵐氣重壓眼秋光清徹心凭
鞍吟絕壁解帶坐高林愛此崑泉好臨流浣俗襟

將至隴城縣

數日山林間，鬼眼復傾耳。
煩襟一以換，飄若方外士。
今朝出谷口，已覺俗慮起。
可惜身上衣，斑斑遂塵滓。
回首林下游，何年赤松子。

宿雲屏山寺

翠嶺聳雲端，巉巖走復蟠。
客從塵外入，僧向畫中看。
月上千崑碧，風生萬木寒。
平明惜歸去，猶待一憑欄。

寒食

蜀客寓秦城，寒威怯夜生。
火床功甚小，酒榼力何輕。
月外天無色，霜中地有聲。
王章龍具薄，數徹郡樓更。

寄彥思時在長安言遊終南

日日望車馬，君當何日還。
談諧思袞袞，篇什愛關關。
大道風埃惡，長河冰雪頑。
相招早來此，擬欲問南山。

寄景遜

別後西城上來，須到日曛。
目迎秦塞鴈，心過隴山雲。
寡合無如我，高懷少似君。
相思只相望，徒爾託云云。

聽天台處士彈琴

處士得琴要誰師師自然為言秋思好因聽夜聲圓耳
出淫哇外心搖寂寞前廣陵君且止不欲慢商絃

鳴玉亭籌筆之南

層崖高百尺亭即層崖下飛泉若環珮萬縷當簷瀉坐
可脫赤熱聽宜徹清夜亭前樹膚剝為繫行人馬

思歸鳥左右掩作

峽中足啼鳥酸鄒不可會其道思歸者雄鳴即雌對前

壑雲漸起後山月已背行人畏聞汝一聲一心碎

夜發散關

風吹古關口萬木響如裂淒涼異鄉客騎馬關下月坂
道霜鑿鑿石梁溪咽咽怪來曉寒重却愛山頭雪

宿山寺

高峯浮雲際古寺高峯上秋來已瀟洒雨後益清曠坐
隨明月轉吟伴寒蛩響待曉出松關幽襟謝嘉貺

中秋月 二首

隔林灩灩生寒浪倚漢岩岩數亂峯記得舊山曾此夕
碧宮千尺坐高松

又

望外物容澄似水坐中秋力凜如刀此身直願乘雙翼
飛上三峯第一高

二里溪濯足

暑氣沉晚樹晴光滿遙川下馬古道側濯足清溪邊勝
事樂水石幽懷託雲煙還來振衣起回首徒悵然

稠桑見荆山

萬嶺鬱叢叢盤雲氣勢雄縱橫誰畫筆屈折自屏風倒
樹出斷外亂雲生掩中無由更停馬此意恨如蓬

白鶴寺北軒圍碁

祇園隱城角開軒極幽邃日影轉不到居常抱秋氣余
茲度炎燠一局忘萬事擾擾門外人誰知此中意

太常致齋閒書寺壁

晚日微明弄雨餘竹陰桐影共蕭疎旋移小榻中庭坐

讀盡扶桑大帝書

景遜以詩招綦因答

待闕官期遠僑居客思多許時閒日月願與局中磨

初入二里

樹色交山色蟬聲雜水聲客懷殊不倦信馬此間行

又送劉著作

北地戎馬後凋殘今幾年邊民此天幸縣令若君賢況
自儲蓄久定知摩撫全好須圖善政能為作詩傳

送張樸翁歸盤屋 二首

一覺落天夢遂吟招隱詩攜家異鄉去變服散人為鄙
鳩雲開後圭峯月上時清秋此高興琴酒問同誰

其二

山曲水曲處其間皆美田夫君別桑梓此地卜林泉壯
歲可立事明時方尚賢何當再就詔便忍說終焉

丹淵集卷十八

欽定四庫全書

丹淵集卷十九

宋 文同 撰

詩二十一首 畫厨雜詠

宋復古度支晚川晴雪

霽色變雲林寒光混煙水遙山定何處渺漭纔可指

早秋山水硯屏

晚靄隔遠岫秋容入平林方素僅盈尺品谷能許深

寇君玉郎中大嶰

蝨性最難圖生意在螫跪伊人得之妙郭索不能已

小解

骨甲與支節解絡尤精研手足雖爾多能使如一錢

黃筌鵲雛

短羽已雛襁弱脰方劣爰母也向何處開口猶仰食

滕昌祐芙蓉

雙幹發寒葩一枿立紋羽欲品精妙人君當二三數

毛老鬬牛

牛牛爾何爭於此輒鬪怒長鞭開兒童大炬走翁嫗蒼
樓八九子駭立各四顧何時解角歸茅舍江村暮

鄧隱老木寒牛

蒼崖稜層草芊綿巨木半死生枯煙羸牛日晚已噉草
稚子天寒猶打錢

許道寧寒林

許生雖學李營丘墨路縱橫多自出交柯揮霍裴旻劍
亂蔓淋漓張曉筆

易元吉抱櫟猿

老櫟抱擁腫金狻立鬚鬚當年隴山道似此見危層

引子獐

蒼獐引黃麋雙耳誰驚立高原想新霽町疇見行迹

崔白敗荷折葦寒鷺

疎葦雨中老亂荷霜外凋多情惟白鳥常此伴蕭條

孫太古辟支迦佛

調御出火起正念薩埵捧香生信心二士之意在筆外

彼太古者何情深

許中正捕龍雷

彼龍胡為被天謫不肯為天行雨澤天救雷公恣搜索
龍藏何所忽爾獲提之滿空若曳帛電風電火相卷射
雷張兩翅但拍拍首尾挽之足雙磔龍力與雷固不敵
雷轉威怒龍褫魄須臾定見肝胃拆萬力千氣凡幾盡
斯人斯品入神格

范寬雪中孤峯

大雪灑天表孤峯入雲端何人向漁艇擁褐對巔峴

晚秋煙波

直於一尺素寫盡千里景雲山杳杳已成秋烟水漻漻
方入暝君應無心得此畫我豈有言能爾詠

春山

岡原草木秀溪谷雲霞媚君筆誰所傳獨解吐和氣

秋山

孤峰露蒼骨疎木聳堅幹高堂挂虛壁爽氣來不斷

梁信羯鼓小圖

高梧間垂楊玉宇極清邃三郎當殿坐左右擁佳麗
毵近香案蹲獸吐碧穗寶几承畫控繽紛交綵袂花奴
卷雙袖俛立前奏技君王顧之笑軒廡動和氣誰謂一

尺素寫遍天上意聽者定何如觀之猶解穢

明皇嘗言
花奴羯鼓

可解
琴穢

蒲生鍾題

寒風酸號月慘苦梟飛狐鳴滿墟墓叢棘亂礪翳野霧

古社禿剝倒枯樹下有三鬼相嘯聚初行誰家作症
忤痛熱腫痒快嘔吐塞噎咽喉脹臍肚呼巫召覲使呪
詛翁驚嫗忙設賽具茅盤草舡置五路飯盂炙串狼藉
布相共收斂各執去方此危坐歎且哺忽爾相視生畏
怖有神傑然駕巨牯前訶後擁役二豎此神噉鬼充旦
暮其腹尚餒色躁怒鬼遙見之悉失措竄匿不暇相告
諭酒傾肉落雜穢汙魂魄飛蕩身偃仆一入木底只四
據一尚把盞愕呂顧一自隱蔽捩眦覷神用氣攝縛束

固前死入吻無十步計之嚼嚙或味飫蒲生胡為適爾
遇畫之滿卷無一誤筆墨醜怪實可懼持以贈余子何
故揺手不取一錢賂他日乞詩者尤屢試為言之寫其
故

折楊柳

垂楊百尺臨池水風定煙濃盤不起欲折長條寄遠行
想到君邊已憔悴

丹淵集卷十九